

# Ráiteas Straitéise 2021 go 2025 BIÉ





## Message from the Chief Executive

**Leagtar amach i Ráiteas Straitéise BIÉ 2021-2025 seo na spriocanna a bhfuil aghaidh á tabhairt ag gach duine dínn in BIÉ orthu agus ar na cuspóirí straitéiseacha a bhfuil súil againn lena mbaint amach sna chéad chúig bliana eile amach romhainn. Tá na spriocanna agus na cuspóirí straitéiseacha seo ar aon dul leo siúd de chuid na Roinne Iompair.**

**Níorbh ionann an próiseas inar cuireadh an Ráiteas Straitéise seo le chéile agus an próiseas inar cuireadh iar-leaganacha le chéile. Lorgaíodh tuairimí bhaill foirne BIÉ agus bhaill Bhoird BIÉ, agus rinne an fhoireann bhainistíochta breithniú orthu ina dhiaidh sin. Is éard atá san fhoireann bhainistíochta ná stiúrthóirí gach cinn de shé rannán BIÉ agus an POF. Bhain an fhoireann bhainistíochta comhdhearcadh amach maidir leis na spriocanna trí shraith ceardlann; agus ar na cuspóirí straitéiseacha a chreidimid a threoróidh ár ngníomhartha i dtreo na spriocanna siúd a bhaint amach.**

**I ndiaidh thuairim an Aire agus na Roinne Iompair a lorg, agus i ndiaidh na tuairimí a fuarthas a chuimsiú sa cháipéis, cheadaigh Bord BIÉ an Ráiteas Straitéise 2021-2025 seo ag a gcrúinniú i nDeireadh Fómhair 2020.**

Tá an Ráiteas Straitéise 2021-2025 frámaithe i gcomhthéacs an athraithe aeráide, athrú polaitiúil, agus paindéim dhomhanda. Nuair a chuirtear an comhthéacs seo san áireamh, tá na spriocanna agus na cuspóirí straitéiseacha a thacaíonn leo breac le téamaí áirithe.

Teastaíonn ár dtiomantas soiléir ó athrú aeráide chun tacú leis an aistriú go dtí todhchaí ísealcharbóin, trí thaisteal gníomhach a chumasú agus tús áite a thabhairt d'inhuanaitheacht inár gcinnteoireacht.

Chun cur in aghaidh thionchair gheilleagracha Brexit agus COVID-19, tá orainn saolré ár mbonneagair thaistil a

shíneadh agus barr feabhais a chur ar an úsáid a bhaintear as, tacú le teicneolaíochtaí atá ag teacht chun cinn a úsáid agus tacú le téarnamh geilleagrach na hÉireann trí dhaoine agus táirgí a iompar go héifeachtúil.

Leagtar amach na gníomhartha atá le déanamh chun na cuspóirí straitéiseacha a bhaint amach i ngach Plean agus Buiséad Bliantúil i rith thréimhse na straitéise.

Chun tabhairt faoi na gníomhartha siúd, eagraítear BIÉ ina rannáin, ina rannóga agus ina bhfoirne tionscadail comhthacúla. Bíonn roinnt díobh tiomnaithe do thorthaí ar leith gnó nó tionscadail a bhaint amach agus bíonn roinnt eile tiomnaithe do shaintacaíocht riaracháin nó theicniúil a sholáthar i measc réimse gníomhaíochtaí BIÉ. Tasc leanúnach agus a dtugtar tús áite dó is ea na hacmhainní inmheánacha atá ar fáil a imlonnú go cuí, a dhíríonn ar na meascáin chúil d'inniúlachtaí a chur chun feidhme lena chinntiú go mbaintear cuspóirí straitéiseacha amach.

Ba mhaith liom an deis a ghlacadh lena aithint nach féidir linne in BIÉ ár spriocanna a bhaint amach ach trí oibriú i gcomhar lenár gcomhghleacaithe sa Roinn Iompair, an ÚNI agus na húdaráis áitiúla. Ba mhaith liom a aithint freisin an t-am a chaith agus an saineolas a sholáthair agus an tiomantas a léirigh Michael Nolan, ár POF a chuaigh ar scor le déanaí, chun an Ráiteas Straitéise seo a chur le chéile agus as leagáid de shármhaitheas leanúnach a fhágáil in BIÉ.

Fad a dhruideann tréimhse linn inar dóchúil go dtiocfaidh athrú ar go leor rudaí, creidim go bhfuil Ráiteas Straitéise againn a sheasfaidh an aimsir agus a chuirfidh an dearbhú ar fáil dúinn go léir go n-oibreimid ar bhealach comhordaithe chun leanúint lenár mbeartas Rialtais a sholáthar ar bhealach inbhuanaithe agus difear dearfach a dhéanamh i saol daoine trí leanúint leis an Straitéis a shásamh.



**Peter Walsh**  
Príomhfheidhmeannach

An N56 idir an Clochán Liath agus na Gleannta i gContae Dhún na nGall, ar a bhfuil rotharbhealach 27km, arb é an chéad cheann dá shamhail in Éirinn.



## An Ráiteas Straitéise seo de chuid BIÉ a Fhorbairt

Ráiteas atá sa cháipéis seo den straitéis a dtabharfaidh BIÉ aghaidh uirthi i rith na tréimhse idir 2021 agus 2025. Léirítear inár straitéis an breithniú cúramach a rinne BIÉ ar an méid seo a leanas:

- beartais, straitéisí, pleananna agus creataí náisiúnta a bhaineann le hiompar agus ar chuir BIÉ lena bhforbairt;
- forbairtí agus treochtaí ábhartha i dtimpeallachtaí geilleagracha, sóisialta, teicniúla agus dlíthiúla; agus
- Cumas BIÉ chun leanúint ag cur lena shainchúram reachtúil agus le torthaí a bhaint amach i gcomhréir lena shainchúram reachtúil.

Tacóidh cur i bhfeidhm straitéis seo BIÉ, ach go háirithe, le straitéis iompair náisiúnta a chur i bhfeidhm, faoi mar a chinnfidh an Roinn Iompair.





## CUSPÓIR

Is ann do BIÉ chun cuspóir tábhachtach lena mbaineann tábhacht straitéiseach a chomhlíonadh, a dhéanann difear do shaol saoránach agus cuairteoirí araon ar bhonn laethúil. Is é ár gcuspóir chun bonneagar agus seirbhísí iompair inbhuanaithe a sholáthar, caighdeán níos fearr beatha a sholáthar, tacú le borradh geilleagrach agus meas a léiriú ar an timpeallacht.

## FÍS

Táimid meáite, agus ár gcuspóir á chomhlíonadh againn, chun trí aidhm uileghabhálacha a bhaint amach, a chruthaíonn ár bhfís nuair a chuirtear le chéile iad:

- Bheith inár gceannairí maidir le bonneagar iompair inbhuanaithe a sholáthar agus a oibriú;
- A chinntiú go bhfuil bonneagar náisiúnta bóithre agus iarnróid éadroim na hÉireann sábháilte agus athléimneach, inrochtaineacht agus soghluaisteacht inbhuanaithe níos fearr a sholáthar do dhaoine agus earraí; agus
- Go n-aithnítear sinn mar eagraíocht a léiríonn luach ar a daoine, a custaiméirí agus a comhpháirtithe.

## LUACHANNA

Léirítear inár mbealach oibre cúig chroílúach a roinntear agus a chuirtear chun cinn i measc bhaill foirne uile BIÉ:

- Inbhuanaitheacht: Tugaimid tús áite d'inbhuanaitheacht inár gcinnteoireacht, sa pháirt a ghlacaimid i ndul i ngleic leis na géarchéimeanna aeráide agus bithéagsúlachta;
- Comhoibriú: Comhlíonaimid ár gcuspóir trí obair bhuíne, cumarsáid agus comhpháirtíocht éifeachtach.
- Nuálaíocht: Lorgaimid chun luach a chruthú a bhaineann lenár gcuspóir trí réitigh nua agus níos fearr a chur i bhfeidhm.
- Iomláine: Spreagaimid iontaobh trí ionracas, cothroime agus cuntasacht.
- Meanma na Seirbhíse Poiblí: Táimid tiomanta do sheirbhís ardchaighdeán agus luach a sholáthar do shaoránaigh na hÉireann agus do dhaoine a thugann cuairt ar Éirinn.



## Spríocanna

Táimid tiomanta do na spríocanna seo a leanas a bhaint amach, a saináithníodh mar spríocanna a thacaíonn lenár gcuspóir, agus aithnímid i gcomhthráth ár bhfís agus ár gcroíluachanna:



Spríocanna



### Sármhaitheas Eagraíochta

Dea-chleachtas sa rialachas agus sa bhealach a thugaimid faoinár ngnó in BIÉ a chur i bhfeidhm, ardchaighdeán gairmiúlachta, comhlíonta, dearbhaithe a bhaint amach agus luach ar airgead a bhaint amach i ngach rud a dhéanaimid.



### Bonneagar Reatha

Saolré an bhbonneagair bhóithre náisiúnta agus iarnróid éadroim a oibriú, a chothabháil agus a shíneadh le sábháilteacht agus éifeachtúlacht ár ngréasáin iompair a chinntiú, lena chinntiú go ndéantar bainistíocht chuí ar acmhainní comhshaoil agus lena chinntiú go gcuirtear leis an aistriú go dtí sochaí ísealcharbóin agus atá seasmhach ó thaobh na haeráide.



### Bonneagar Nua

Bonneagar náisiúnta bóithre, iarnróid éadroim, meitreo agus Taistil Ghníomhaigh a sholáthar, a chuireann le borradh dlúth, soghluaisteacht inbhuanaithe, inrochtaineacht fheabhsaithe réigiúnach agus an t-aistriú chuig todhchaí ísealcharbóin.



### Seirbhísí

Córais iarnróid éadroim, dolaí agus rialaithe tráchta BIÉ a oibriú agus cur le leictiú agus digitiú an iompair, a rachaidh chun sochair ár gcustaiméirí agus a chuirfidh le soghluaisteacht inbhuanaithe agus dícharbonú an iompair.

## CUSPÓIR

Is ann do BIÉ chun cuspóir tábhachtach lena mbaineann tábhacht straitéiseach a chomhlíonadh, a dhéanann dífead do shaol saoránach agus cuairteoirí araon ar bhonn laethúil. Is é ár gcuspóir chun bonneagar agus seirbhísí iompair inbhuanaithe a sholáthar, caighdeán níos fearr beatha a sholáthar, tacú le borradh geilleagrach agus meas a léiriú ar an timpeallacht.



### Rannpháirtíocht agus Comhoibriú

Páirt a ghlacadh agus comhoibriú, agus compháirtíocht éifeachtach a dhéanamh le páirtithe seachtracha, go náisiúnta agus go hidirnáisiúnta araon, chun tacú lenár straitéis a bhaint amach.



### Daoine

Cumas ár ndaoine a chothabháil, a fheabhsú agus a shaothrú, agus luachanna BIÉ á gcur chun cinn i gcomhthráth, lena chinntiú go soláthraítear ár spríocanna.



### Sábháilteacht

An riosca i dtaobh imbhuailtí, gortuithe agus básanna ar á mbonneagar iarnróid éadroim agus bóithre agus an líon díobh a laghdú.



## Cuspóirí Straitéiseacha

Chun ár spriocanna a bhaint amach, caithfidh go n-éireoidh linn tabhairt faoi réimse dúshlánach cuspóirí straitéiseacha a bhaint amach laistigh de thréimhse na straitéise seo.

Tacóidh gníomhartha ar leith leis na cuspóirí straitéiseacha a leagtar amach anseo istigh don tréimhse ó 2021 go 2025. Beidh na gníomhartha sin le cur san áireamh i bpleananna bliantúla, beidh siad le sannadh do dhaoine aonair atá freagrach as iad a chomhlíonadh agus déanfar monatóireacht leanúnach orthu.



Spriocanna	Cuspóirí Straitéiseacha
<p><b>Bonneagar Reatha</b> Saolré an bhbonneagair bhóithre náisiúnta agus iarnróid éadroim a oibriú, a chothabháil agus a shíneadh le sábháilteacht agus éifeachtúlacht ár ngréasáin iompair a chinntiú, lena chinntiú go ndéantar bainistíocht chuí ar acmhainní comhshaoil agus lena chinntiú go gcuirtear leis an aistriú go dtí sochaí ísealcharbóin agus atá seasmhach ó thaobh na haeráide.</p>	<ol style="list-style-type: none"> <li>1. An bonneagar reatha a chothabháil agus a athrú chun básanna, gortuithe agus rioscaí a bhaineann le hiompar a laghdú.</li> <li>2. Saolré ár mbonneagair thaistil a shíneadh agus barr feabhais a chur ar an úsáid a bhaintear as, chun an gá a íoslaghdú atá le bonneagar nua a thógáil.</li> <li>3. Ár gcórais iompair a chothabháil lena chinntiú go bhfuil siad sábháilte, athléimneach agus ar fáil lena n-úsáid.</li> <li>4. Bearta a thabhairt isteach chun tacú le carbón agus astaíochtaí eile inár n-oibríochtaí a laghdú.</li> <li>5. Tacú le húsáid a bhaint as teicneolaíochtaí atá ag teacht chun cinn, ar nós soghluaisteacht chomhoibritheach cheangailte agus uathoibrithe.</li> <li>6. An t-eolas a theastaíonn ónár gcustaiméirí a sholáthar.</li> </ol>
<p><b>Bonneagar Nua</b> Bonneagar náisiúnta bóithre, iarnróid éadroim, meitreo agus Taistil Ghníomhaigh a sholáthar, a chuireann le borradh dlúth, soghluaisteacht inbhuanaithe, inrochtaineacht fheabhsaithe réigiúnach agus an t-aistriú chuig todhchaí ísealcharbóin.</p>	<ol style="list-style-type: none"> <li>1. Básanna agus gortuithe a bhaineann leis an iompar a laghdú trínár mbonneagar a nuachóiriú.</li> <li>2. Tacú le téarnamh geilleagrach na hÉireann trí ghluaiseacht éifeachtúil daoine agus táirgí.</li> <li>3. Feabhas a chur ar inrochtaineacht réigiúnach, freastal ar riachtanais oibreoirí bus agus a bpaisinéirí, agus feabhas a chur ar bhealaí rithábachtacha líne tharrthála go dtí pobail tuaithe san áireamh.</li> <li>4. Bonneagar a sholáthar a thacaíonn le córais iompair ísealcharbóin agus le laghduithe ar astaíochtaí.</li> <li>5. Scéimeanna móra iompair a phleanáil agus a dhearadh chun taisteal gníomhach agus iompar poiblí a spreagadh.</li> <li>6. Úsáid bhreise a bhaint as táirgí ísealcharbóin inár dtionscadail tógála a chur chun cinn.</li> </ol>
<p><b>Seirbhísí</b> Córais iarnróid éadroim, dolaí agus rialaithe tráchta BIÉ a oibriú agus cur le leictriú agus digitiú an iompair, a rachaidh chun sochair ár gcustaiméirí agus a chuirfidh le soghluaisteacht inbhuanaithe agus dícharbonú an iompair.</p>	<ol style="list-style-type: none"> <li>1. An úsáid is fearr a bhaint as córas iarnróid éadroim agus seirbhísí bóithre náisiúnta BIÉ, lena tacaíonn an nuálaíocht agus feabhsúcháin leanúnacha ar fheidhmíocht.</li> <li>2. Beartas náisiúnta a chur i bhfeidhm maidir le bainistíocht éilimh, chun aistriú córa iompair a dhreasú.</li> <li>3. Seirbhísí eFlow, Thollán Bhaile Átha Cliath, idir-inoibritheachta agus an Dreasacht Dolaí Feithiclí Astaíochtaí Ísle a oibriú, a chuirfidh le beartais náisiúnta a sholáthar don tsoghluaisteacht, cistiú bonneagair agus Margadh Glas na hEorpa.</li> <li>4. Tacú le bearta laghdaithe carbóin agus iad a fhorbairt san earnáil iompair.</li> <li>5. Infheistiú i gCórais Iompair Chliste Chomhoibritheacha chun feabhas a chur ar ár seirbhísí.</li> <li>6. Leanúint le caighdeáin dearaidh a bhaint amach le haghaidh bóithre agus droichead.</li> </ol>





Spriocanna	Cuspóirí Straitéiseacha
<p><b>Sábháilteacht</b> An riosca i dtaobh imbhuailtí, gortuithe agus básanna ar á mbonneagar iarnróid éadroim agus bóithre agus an líon díobh a laghdú.</p>	<ol style="list-style-type: none"> <li>1. Aghaidh a thabhairt ar ghníomhartha BIÉ i Straitéis um Shábháilteacht ar Bhóithre an Rialtais.</li> <li>2. Díriú ar infheistíocht bunaithe ar anailís ar shonraí faoi imbhuailtí agus ar chur chuige réamhghníomhach.</li> <li>3. Feabhas leanúnach a chur ar shábháilteacht oibrithe a thugann faoi thógáil agus oibríochtaí BIÉ.</li> <li>4. Teicneolaíochtaí nua, caighdeáin agus nósanna imeachta dearaidh a chur chun cinn chun feabhas a chur ar shábháilteacht i ngréasáin BIÉ.</li> <li>5. Cultúr sábháilteachta BIÉ a neartú trí cheannaireacht, rannpháirtíocht agus cumarsáid.</li> </ol>
<p><b>Daoine</b> Cumas ár ndaoine a chothabháil, a fheabhsú agus a shaothrú, agus luachanna BIÉ á gcur chun cinn i gcomhthráth, lena chinntiú go soláthraítear ár spriocanna.</p>	<ol style="list-style-type: none"> <li>1. Eispéireas dearfach a sholáthar d'fhostaithe, agus éagsúlacht agus ionchuimsiú á gcothú.</li> <li>2. Tacú le forbairt phearsanta, agus cumas fhoireann BIÉ a spreagadh agus a fhorbairt.</li> <li>3. Pleanáil dea-chleachtais an lucht saothair a leabú fad a fhreagraímid do chúinsí a bhfuil athrú ag teacht orthu.</li> <li>4. Eolas agus saineolas BIÉ a chothabháil, a fhorbairt agus a roinnt.</li> </ol>
<p><b>Rannpháirtíocht agus Comhoibriú</b> Páirt a ghlacadh agus comhoibriú, agus comhpháirtíocht éifeachtach a dhéanamh le páirtithe seachtracha, go náisiúnta agus go hidirnáisiúnta araon, chun tacú lenár straitéis a bhaint amach.</p>	<ol style="list-style-type: none"> <li>1. Caidreamh a chothú agus a chothabháil le páirtithe leasmhara agus soláthraithe seachtracha.</li> <li>2. Ár gconarthaí a sholáthar agus a bhainistiú go freagrach.</li> <li>3. Páirt a ghlacadh i dtaighde agus i gcomhoibriú chun tacú le nuálaíocht agus dea-chleachtas.</li> <li>4. Cumarsáid a dhéanamh leis na pobail a ndéanann tionscadail BIÉ difear dóibh.</li> <li>5. Teagmháil a dhéanamh le soláthraithe lena chinntiú go gcuirtear ár bprionsabail inbhuanaitheachta i bhfeidhm.</li> </ol>
<p><b>Sármhaitheas Eagraíochta</b> Dea-chleachtas sa rialachas agus sa bhealach a thugaimid faoinár ngnó in BIÉ a chur i bhfeidhm, ardchaighdeán gairmiúlachta, comhlíonta, dearbhaithe a bhaint amach agus luach ar airgead a bhaint amach i ngach rud a dhéanaimid.</p>	<ol style="list-style-type: none"> <li>1. Cultúr dea-rialachais in BIÉ a chur chun cinn, ar aon dul le prionsabail an rialachais atá infheidhme maidir le comhlachtaí poiblí.</li> <li>2. Córas agus struchtúir dhaingne rialaithe a chur chun feidhme a chinntíonn comhlíonadh agus cuntasacht.</li> <li>3. Nuálaíocht agus glacadh le modhanna agus teicneolaíochtaí nua a chur chun cinn.</li> <li>4. Tuairisciú ar ár bPrionsabail Inbhuanaitheachta a chur i bhfeidhm.</li> <li>5. Tuairisciú ar an Dualgas maidir le Comhionannas agus Cearta Daonna san Earnáil Phoiblí a chur i bhfeidhm.</li> </ol>









 Ionad Ghnó Gheata na Páirce,  
Stráid Gheata na Páirce,  
Baile Átha Cliath 8, D08 DK10, Éire

 [www.tii.ie](http://www.tii.ie)

 +353 (01) 646 3600

 Parkgate Business Centre,  
Parkgate Street,  
Dublin 8, D08 DK10, Ireland

 [info@tii.ie](mailto:info@tii.ie)

 +353 (01) 646 3601